

**Broj: UP1-06-13-1-187-5/23**  
**Mostar, 21.11.2023. godine**

Na osnovu člana 42. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15, 54/19, 1/22 i 61/22), člana 173. stav (1) Zakona o električnoj energiji Federacije Bosne i Hercegovine („Službene novine Federacije BiH“ broj 60/23), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), postupajući po Zahtjevu za sticanje statusa kvalifikovanog proizvođača broj UP1-06-13-1-187-1/23 od 2.10.2023. godine podnosioca zahtjeva Proizvodnja električne energije „JD“, Vlasnik: Jusufović Damir, Tešanj br 178, opština Tešanj, Regulatorna komisija za energiju u Federaciji Bosne i Hercegovine – FERK je 21.11.2023. godine na XXVI redovnoj sjednici donijela sljedeće

### **R J E Š E N J E**

1. Utvrđuje se Proizvodnja električne energije „JD“, Vlasnik: Jusufović Damir, status kvalifikovanog proizvođača električne energije u proizvodnom objektu solarna fotonaponska elektrana „JD.23-1“.
2. Status kvalifikovanog proizvođača iz tačke 1. ovog rješenja važi od 21.11.2023. godine do 20.11.2038. godine, te obrazac o statusu kvalifikovanog proizvođača električne energije čini sastavni dio ovog rješenja.
3. Ovo rješenje je konačno, te se objavljuje na službenoj internet stranici FERK-a.

### **O b r a z l o ž e n j e**

Dana 2.10.2023. godine FERK je od podnosioca Proizvodnja električne energije „JD“, Vlasnik: Jusufović Damir primio Zahtjev za sticanje statusa kvalifikovanog proizvođača električne energije pod brojem UP1-06-13-1-187-1/23, u proizvodnom objektu solarna fotonaponska elektrana „JD.23-1“. Dopuna istog zahtjeva je primljena u FERK 9.10.2023. godine pod brojem UP1-06-13-1-187-2/23.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 53/14), FERK je utvrdio da podneseni zahtjev nije potpun u smislu člana 9. Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14). Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za sticanje statusa kvalifikovanog proizvođača broj UP1-06-13-1-187-3/23 od 19.10.2023. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 3.11.2023. godine pod brojem UP1-06-13-1-187-4/23, uz koji je dostavio traženu dokumentaciju i obrazloženja, a na osnovu kojeg je FERK utvrdio da je podneseni zahtjev potpun.

Na osnovu obrade Zahtjeva za sticanje statusa kvalifikovanog proizvođača električne energije podnosioca Proizvodnja električne energije „JD“, Vlasnik: Jusufović Damir i dokumentacije priložene uz zahtjev, utvrđeno je da podnosilac zahtjeva ispunjava uslove za sticanje statusa kvalifikovanog proizvođača električne energije u proizvodnom objektu solarna fotonaponska elektrana „JD.23-1“.

Na osnovu navedenog, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSEDAVAJUĆEG FERK-a**  
**Jasmin Bešo, s.r.**